

襄陽郡誌

重刊襄陽郡誌記

襄陽為郡古文獻邦也環江帶山土地
沃衍遠接川蜀密邇兩廣江右中州又
為隣壤山明水秀俗厚民醇錢穀甲兵
倍蓰他郡寔湖湘之鉅鎮匪陋邦僻壤
所可一二擬倫也耶其領州有一曰均而
邑則倍而之十曰襄陽棗陽宜城曰南
漳穀城光化曰房縣竹山上津而鄖則



隸于其州水陸交通道里適均在誌本
荆豫二州之域北距南條荆山即今南
漳卞和得玉處也周為穀鄧鄠盧羅都
之地宣王時封仲山甫於樊是為樊城
春秋時為樊地又為楚之西津秦以漢
江之北為南陽治鄧州南為南郡治漢
始置襄陽縣隸南郡以其水出嶓冢山
道漾東流為漢溢則懷山襄陵荆楚記

云水駕山而下為襄且水北為陽故曰
襄陽魏武始置襄陽郡并縣治西晉因
之為荆州治所羊祜杜預皆鎮襄陽東
晉雍之流民來聚因僑置雍州宋文帝
遂割荆州置雍州理於此領郡十七齊
梁因之西魏改襄州隋唐因之唐復陞
為山南東道以襄州為襄陽府領七縣
後周廢為樂鄉縣按五代史云唐梁之

際改忠義軍宋至和間為襄陽府元改
為路後仍為府大率相因然其為勢雄
據上流扶輿清泚之氣代鍾賢哲名邦
傑然若羊祜杜預之政蹟李白杜甫之
詩文韓退之歐陽脩之記序誠若雲漢
昭回日星炳耀今古偉之迨入

聖朝沐浴清化守令帥臣率皆循良英武
而文人才子亦彬彬輩出媲美于古後

以重而大匪親而賢不足以控制而福
是邦乃移長沙

襄藩大國以往鎮之用是十餘年間南服
奠安人民樂業予近觀風至郡守令而
下咸於公暇請曰郡誌脫畧訛舛太甚
幸茲校正欲繡諸梓以廣其傳願得明
公記文以冠首簡予竊歎居民牧而能
留心文典可謂知所重矣遂不辭而揚

言曰仰惟我


國家茂隆


景運一統寰宇四方萬國咸入職貢文恬
武熙幾百年于茲矣猗歟盛哉且郡誌
散逸久而不脩孰不視為廢書蠹簡不
幾乎峴首之碑泯同砂礫高陽池館淪
為丘墟何以示後今茲誌既脩井然有
條門類分別山川人物道路橋梁宮觀

郵驛州邑城郭因革相仍貢賦錢穀絲
枲麻帛羽毛鱗介水石花木爰及魚鹽
茶漆之利土宜日用之需莫不備載以
至古今名宦山林隱逸忠義貞烈之士
神仙方技之流可法可重者悉載無遺
詩文賦詠有關風化者錄之而誕澆不
經者雖工弗取也其校之精訂之正茲
板之行人將爭先快覩什襲珍藏若南

金大貝寶之又寶豈但勝覽輿圖以為
清玩其必景行先哲徽猷功業詩文挹
其瀾揚其波以潤澤心胷而資為用世
之具者可勝紀耶其於治道豈曰小補
云哉

天順三年歲在己卯臘月初吉中憲大
夫湖廣按察司副使前
翰林院五經博士餘杭沈慶記





重刊襄陽郡誌目錄

卷第一

本府

縣治

疆域

城池

里至

山川

坊廓鄉鎮

土產

貢賦

風俗形勢

戶口

卷第二

學校

廨舍

壇場

鋪舍

寺觀祠廟

橋梁

古蹟

陵墓

臺榭

書院

津渡

巖洞

卷第三



園池

景物

歲貢

仙釋

卷第四

文

井泉

名宦

烈婦

雜志

詩

歌

陂堰

科舉

節婦

重刊襄陽郡誌目錄終

重刊襄陽郡誌卷第一



中憲大夫湖廣按察司副使前翰林五經博士餘杭沈慶校正

襄陽府知府湯陰元亮 襄陽縣知縣榮昌李儀刊行

國子監生襄陽張恒編集

建置沿革

本府

襄陽本荆豫二州之城按禹貢荆及衡陽惟荆州傳曰荆州之域北距南條荆山又云荆河惟豫州傳曰豫州之域西至南條荆山所謂荆山即今南漳縣之荆山下和得玉處也周為穀鄧鄠盧羅郟之地宣王時封仲山甫於樊國即今漢江之北樊城是也春秋時為樊地又為楚之西津秦以漢江之北為南陽治鄧州漢江

之南為南郡治荊州襄陽地分隸二郡之鄙漢始置襄陽縣隸南郡縣治江北即樊城也蓋以水出岢冢山道漾東流為漢溢則懷山襄陵荆楚記云水駕山而下為襄且水北為陽故曰襄陽魏武始置襄陽郡治襄陽縣西晉因之為荊州治所羊祜杜預皆鎮襄陽東晉雍之流民來聚因僑置雍州宋文帝遂割荊州置雍州理於此領郡十七齊梁因之西魏改襄州隋唐因之唐復陞為山南東道節度使以襄州為襄陽府領七縣後周廢為樂鄉縣按五代史云唐梁之際改忠義軍後以延州為忠義軍以襄陽為山南東道宋至和間為襄陽府元改為襄陽路隸河南行省至元庚午民兵萬戶毛葫蘆據守其地乙巳年歸附

國朝復為襄陽府改隸湖廣行省洪武九年改行省為承宣布政使司襄陽仍隸湖廣領一州十縣而為大府焉

襄陽縣

禹貢為荆豫二州之域以其地踰漢水南屬荆北屬豫縣治舊在漢江之北樊城乃水之陽荆楚記云水駕山而下故曰襄後縣因之得名漢置襄陽縣屬南郡魏晉以下皆因之

國朝混一海內平定襄漢徙縣治於郡城內西北隅仍隸襄陽府而為附郭焉

棗陽縣

禹貢荆豫二州之域按東漢書云古謝國也秦為南陽郡地漢為棗陽縣後漢分棗陽立襄陽縣屬義陽

郡復置南荆縣西魏改廣昌州晉因之後周改廣昌
縣隋改棗陽縣屬春陵唐改廣昌縣曰唐縣棗陽屬
焉宋屬隨州紹興十二年陞為棗陽軍元復為縣屬
襄陽路元末歸附

國朝仍為棗陽縣隸襄陽府焉

宜城縣

禹貢云荊州之域古鄆國即春秋鄆子之國也秦漢
並為南郡之地漢惠帝始為宜城縣晉因之隸襄陽
郡隋改率道縣唐復為宜城宋元皆然

國朝仍為宜城縣隸襄陽府焉

南漳縣

古荊州之域禹貢及衡陽惟荊州即南漳之荆山乃

卞和得玉之地春秋為楚地秦為南郡漢置臨沮縣
屬南郡晉因之屬襄陽郡隋改為南漳縣蓋古有三
漳今漳水出臨沮故名唐因之後改為中盧鎮又復
為縣宋紹興二十七年縣治為水衝蝕徙今治所元
因之乙巳年縣尹全睡率眾歸附

國朝仍為南漳縣隸襄陽府焉

穀城縣

禹貢荊州之域即古穀伯之國春秋為楚地秦漢為
南陽郡地隋始為穀城縣屬均陽郡唐復為穀城縣
屬襄州宋因之隸襄陽府元因之隸襄陽路

國朝仍為穀城縣隸襄陽府焉

光化縣

高貢豫州之域韓地春秋穀伯之國楚為陰國秦漢為陰縣鄭縣即蕭何所封之邑屬南鄉郡漢末魏武分南鄉郡晉武改南鄉為順陽郡梁立鄧城郡領陰鄧二縣後周廢為縣屬襄陽郡隋改陰城唐立鄧州領穀城二縣尋廢為鎮隸襄陽穀城縣宋紹興十二年陞陰城鎮為光化軍又為通化軍熙寧五年廢軍為光化縣元祐初復為光化軍光化縣屬之隸京西道元廢軍存縣隸襄陽路

國朝仍為光化縣隸襄陽府焉

房縣

禹貢梁州之域舜封丹朱於房古糜庸二國之地春秋為房子國秦屬漢中郡西漢因之東漢立房陵郡

又為上庸郡魏文帝合房陵上庸西城三郡為新城郡歷晉宋齊為新城上庸二郡梁置岐州理房陵西魏改新城為光遷國後周廢國為遷州隋煬帝改房陵郡唐武德初改為遷州徙房州治於竹山縣貞觀十年移於房陵縣又改房陵郡屬山南東道領縣四曰房陵竹山水清上庸宋熙寧三年陞為保康軍節度屬京西南路建炎二年嘗置金房開達四州安撫使以房隸金尋改利州路領竹山房縣二縣元復為房州仍領二縣屬襄陽路至正三年廢房陵縣入州洪武元年十一月陸平章率眾歸附

國朝仍為房州洪武十年改州為縣隸襄陽府焉

竹山縣

禹貢梁州之域春秋為庸國之地秦漢屬漢中郡晉宋齊為上庸新城地隋始置竹山縣隸房陵郡唐因之武德初改房陵郡為房州移治於竹山貞觀十年復州治於房陵縣仍屬焉宋元因之洪武元年陸平章率衆歸附

國朝併其地入房州後復為竹山縣隸襄陽府焉

上津縣

禹貢雍州之域古商國地也春秋屬晉所謂晉陰者也戰國屬秦即商所封之地漢晉並屬商縣地隋始置上津縣屬上洛郡唐宋因之元廢縣為上津鎮屬商州元末豪民張子貴自號平章僭據此地洪武二年總兵鄧大夫收輯人民歸附

國朝置上津縣隸襄陽府洪武十年革縣屬鄖三十年復設仍隸襄陽府焉

均州

禹貢雍豫二州之域春秋為麇地戰國屬韓及楚秦漢屬南陽漢中二郡魏屬南鄉郡晉屬順陽郡永嘉之亂僑置始平郡齊因之尋改齊興郡後魏為武當郡梁置興州西魏改為豐州隋改為均州煬帝又改淅陽郡又為武當郡唐復置均州屬山東道領縣三宋陸武當節度領縣二元末歸附

國朝仍為均州轄縣一曰鄖隸襄陽府焉

鄖縣

古麇國地戰國屬韓秦漢為漢中郡地又為魏興郡

長利縣地隋始置鄖鄉縣屬浙陽郡唐因之屬武當郡宋因之後以鄖鄉為武當軍節度屬京西南路元改為鄖縣屬均州元末歸附

國朝仍為鄖縣隸襄陽府均州焉

疆域

本府

東起本府棗陽縣霸山里小石橋接德安府隨州界西止本府竹山縣誠德鄉白土關接金州平利縣界一千二百一十里南起本府宜城縣咸寧社八里岡接荆門州界北止本府襄陽縣清河里黃渠鋪接鄖州新野縣界三百七十里

襄陽縣

東起本縣蔡村里宋家村接棗陽縣界西止本縣牛首河南里永陽港接穀城界一百三十里南起本縣土山里界山鋪接宜城縣界北止本縣清河里黃渠鋪接新野縣界一百五十里

棗陽縣

東起本縣霸山里小石橋接隨州界西止本縣崔橋里梅城接襄陽縣界一百六十里南起本縣車橋里界山接宜城縣界北止本縣白露里接唐縣界一百四十里

宜城縣

東起本縣永豐社界山接棗陽縣界西止本縣嗜義社石橋接南漳縣界一百里南起本縣咸寧社豐樂

河接安陸州界北止本縣北陽社界山接襄陽縣界
一百五十里

南漳縣

東起本縣石橋接宜城縣界西止本縣司空山接房
縣界一百一十里南起本縣紫山接遠安縣界北止
本縣雙河接穀城縣界一百二十里

穀城縣

東起本縣沔陽港接襄陽縣界西止本縣界山接均
州界二百一十五里南起本縣雙河接南漳縣界北
止本縣陡溝兒接光化縣界一百二十里

光化縣

東起本縣汶堰接襄陽縣界西止本縣葫荻山接均

州界一百二十里南起本縣陡溝兒接穀城縣界北
止本縣杏兒山接鄧州界九十里

房縣

東起本縣司空山接南漳縣界西止本縣界山接竹
山界二百五十里南起本縣松柏巖接夷陵州興山
縣界北止本縣界窩接均州界四百二十里

竹山縣

東起本縣界山接房縣界西止本縣誠德鄉白土關
接平利縣界三百五十里南起本縣鐵峪河接房縣
界北止本縣一百里關接鄖縣界一百六十里

上津縣

東起本縣皮溝接陝西西安府商縣界西止本縣熨

斗潭接西安府咸寧縣界二十九里南起本縣漢江接洵陽縣界北止本縣沙溝接商縣界一百四十里

均州

東起本州葫荻山接光化縣界西止本州在統一百七十里南起本州界山接穀城縣界北止本州黃水峪接鄧州內鄉縣界二百六十里

鄖縣

東起本縣在統接均州界西止本縣鷄嶺關接洵陽縣界二百七十里南起本縣月竹關接房縣界北止本縣小七接商縣界二百八十里

城池

本府

本府磚城一座在漢江之南與樊城市對前代創建修築舊誌不存無考然晉羊祜杜預宋呂文煥所守皆此城也元季頽廢國初乙巳年衛國公鄧愈因舊址脩築有正城有新城新城附正城舊基大北圍門繞東北角接正城通周迴二千二百一十一丈七尺通計一十二里一百三步二尺高二丈五尺上闊一丈五尺脚闊三丈朵頭四千二百一十箇窩鋪七十座城壕除北一面臨江四百丈東西南三面通二千一百一十二丈三尺闊三十九丈深二丈五尺門禁六座俱有月城東南西大北小北東長六門角樓各一座每座滴水三層東門一座毀于回祿南門一座亦毀未脩東南西南各設角樓一座每座滴水

三層西南毀亦未脩東北角樓一座滴水三層花樓一十座每座滴水二層鼓樓一座在城內大十字街北跨街臺基之上滴水二層亦毀未新鐘樓一座在圓通寺內天王殿前之左滴水三層

均州

均州磚城一座洪武五年守禦副千戶李春脩築周迴六里一百五十三步二尺高二丈五尺闊一丈二尺壕深三丈闊六丈門禁四座曰大東門小東門北門南門

房縣

房縣磚城一座創於洪武十年為因設寇作耗本衛調兵勦捕當就修築守禦此州正城周迴七百二十

五丈二尺計四里一十步二尺高二丈朶頭一千一百四十三箇月城四座各高一丈五尺壕深一丈五尺闊三丈門禁四座各有樓外有譙樓一座在縣治之東

里至

本府

東至德安府隨州界小石橋二百三十里
南至荊州府荊門州界八里岡一百八十里
西至漢中府金州平利縣界白土關一千里
北至南陽府鄧州新野縣界黃渠九十里
東至德安府隨州界小石橋二百三十里自界到府二百九十里

東南到安陸州界樊村州豐樂河二百里自界到州一百里

南到荊州府荊門州界八里岡一百八十里自界到府三百三十五里

西南到夷陵州遠安縣界徑嶺山五百一十里自界到州二百六十里

西到漢中府金州平利縣界白土關一千里自界到府五百九里

西北到西安府商縣界七里匾一千一百二十里自界到府五百五十三里

北到南陽府鄧州新野縣界黃渠鋪九十里自界到府一百九十里

東北到南陽府唐縣一百二十里自界到府一百二十里

本府到湖廣布政司水路一千七百里陸路從棗陽陸百捌十里至

南京水路三千七十里陸路一千九百里至

北京水路陸千八百六十七里陸路二千六百里

襄陽縣

東至棗陽縣界梅城鋪七十里

南至宜城縣界山鋪六十里

西至穀城縣界永陽港六十里

北至鄧州新野縣界黃渠鋪九十里

東到棗陽縣界梅城鋪七十里自界到縣七十里

東南到宜城縣界土河五十里自界到縣六十里
南到宜城縣界界山鋪六十里自界到縣六十里
西南到南漳縣界石牌鋪四十里自界到縣八十里
西到穀城縣界永陽港六十里自界到縣九十里
西北到光化縣界牌子河一百二十里自界到縣六
十里
北到鄧州新野縣界黃渠九十里自界到縣五十里
東北到南陽府唐縣界一百二十里自界到縣一百
二十里

棗陽縣

東至隨州界小石橋九十里
南至宜城縣界已山八十里

西至襄陽縣界宋家村七十里
北至唐縣界四莊六十里
東到隨州界小石橋九十里自界到州九十里
東南到隨州界梅坵一百二十里自界到州七十里
南到宜城縣界已山八十里自界到縣五十里
西南到襄陽縣界宋家村七十里自界到縣七十里
西北到新野縣界四鋪八十里自界到縣六十里
北到唐縣界四莊六十里自界到縣一百三十里
東北到泌陽縣界黃山一百里自界到縣一百八十里
本縣至本府陸路一百四十里

宜城縣

東至棗陽縣界界山七十里

南至安陸州界豐樂河九十里

西至南漳縣石橋三十里

北至襄陽縣界山六十里

東到棗陽縣界山七十里自界到縣八十里

南到安陸州豐樂河九十里自界到州一百里

東南到棗陽縣界巴山五十里自界到縣八十里

西到南漳縣石橋三十五里自界到縣八十里

西南到荊門州界八里岡六十里自界到州一百六

十里

西北到襄陽縣界三條澗四十里自界到縣八十里

北到襄陽縣界山六十里自界到縣六十里

東北到襄陽縣界土河六十里自界到縣五十里

本縣至本府水路一百二十里陸路一百二十里

南漳縣

東至宜城縣界石橋 八十里

南至遠安縣界紫山三百六十里

西至房縣界司空山一百三十里

北至穀城縣界雙河六十里

東到宜城縣界石橋八十里自界到縣三十五里

東南到荊州府荊門州界山堰一百一十五里自界

到州一百二十里

南到遠安縣界紫山三百六十里自界到縣五十里

西南到夷陵州界小陽關三百五十里自界到州三

百五十里

西到房縣界司空山一百三十里自界到縣二百五
十里

西北到房縣界二百五十里自界到縣四百里

北到穀城縣界雙河六十里自界到縣一百一十里

東北到襄陽縣界石牌鋪八十里自界到縣四十里

本縣到府陸路一百二十里

穀城縣

東至襄陽縣界永安港界九十里

南至南漳縣界雙河一百一十里

西至均州界山一百二十里

北至光化縣界陡溝兒一十里

東到襄陽縣界永安港九十里自界到縣六十里

東南到襄陽縣界牛首七十里自界到縣四十里

南到南漳縣界雙河一百一十里自界到縣六十里

西南到房縣界柳林鋪一百五十里自界到縣二百

五十里

西到均州界山一百二十五里自界到州一百四十里

西北到均州界土關兒一百里自界到州一百四十里

北到光化縣界陡溝兒一十里自界到縣三十里

東北到光化縣界紅崖兒二十里自界到縣五十里

本縣至本府水路一百八十里陸路一百五十里

光化縣

東至襄陽縣界二汶堰六十里

南至穀城縣界陡溝兒二十五里

西至均州界葫荻山六十里

北至鄧州界杏兒山六十五里

東到襄陽縣界漢堰六十里自界到縣一百一十里

東南到襄陽縣界牌子河六十里自界到縣一百二十里

南到穀城縣界陡溝兒一十五里自界到縣二十里

西南到穀城縣界紅崖兒一百五十里自界到縣二

十里

西到均州界葫荻山界六十里自界到州一百二十里

西北到均州界小江口六十里自界到州一百二十里

北到鄧州杏兒山五十里自界到州七十里

東北到南陽府鄧州界官莊五十里自界到州七十里

本縣至本府水路一百八十里陸路同

房縣

東至南漳縣界司空山二百五十里

西至竹山縣界一百里

南至夷陵州興山縣松柏崖二百里

北至均州界界窩二百二十里

東南到南漳縣界界山四百里自界到縣三百里

東到南漳縣界司空山二百五十里自界到縣一百

三十五里

西南到南漳縣界東溪源二百里自界到縣六百里

西北到均州界月竹關一百三十里自界到縣

一百六十里

南到夷陵州興山縣界松柏岩三百里自界到縣一

百五十里

西到竹山縣界界山一百里自界到縣五十里

北到均州界界窩二百二十里自界到州一百六十里

東北到穀城縣界界山二百五十里自界到縣一百

五十里

本縣至本府水路一千一十里陸路五百八十里

均州

東至本府光化縣界蒟蒻山一百二十里

南至本府穀城縣界界山一百四十里

西至鄖縣在絞五十里

北至鄧州內鄉縣界黃水峪一百二十里

東到本府蒟蒻山光化縣界一百二十里自界到州

六十里

東南到本府光化縣界小江口一百二十里自界到

州六十里

南到穀城縣界界山一百四十里自界到州一百二

十里

西南到本州界界窩一百六十里自界到州二百二

十里

西到鄖縣界在絞五十里自界到州七十里

西北到鄖縣界遠河四十里自界到州五十里

竹山縣

東至房縣界山五十里

南至房縣界鐵峪平河九十里

西至金州平利縣界白土關三百里

北至均州鄖縣界百里關七十里

東到房縣界山五十里自界到縣一百里

東南到房縣界小生河四十里自界到縣一百一十里

南到房縣界鐵峪河九十里自界到縣一百四十里

西南到大寧縣界嶺五百里自界到縣二百里

西到金州平利縣界白土關三百里自界到縣一百

八十里

西北到金州洵陽縣界七里關一百八十里自界到

縣一百一十里

北到均州鄖縣界百里關七十里自界到縣一百八

十里

東北到鄖縣界月竹關九十里自界到縣一百六十里
本縣至本府水路一千一十里陸路七百八十里

上津縣

東至西安府商縣界皮溝一百三十里

南至漢中府金州洵陽縣界漢江一百二十里

西至西安府咸寧縣界尉斗潭一百六十里

北至內鄉縣黃山峪一百二十里自界到縣二百三

十里

東北至內鄉縣界亂廟兒九十里自界到縣一百五

十里

東到西安府商縣界皮溝一百三十里自界到縣一

百七十里

東南到鄖縣界轉精石一百二十里自界到縣三十里

南到洵陽縣界漢江一百二十里自界到縣二百四十里

西南到洵陽縣界漢江一百二十里自界到縣二十里
西到咸寧縣界熨斗潭一百六十里自界到縣三百七十里

西北到商縣七里區一百六十里自界到縣二百里
北到商縣界沙溝二十里自界到縣三十里

東北到商縣界罩州二百里自界到縣二百八十里
本縣至本府水路六百六十里陸路九百里

鄖縣

東至均州在統七十里

南至房縣界月竹關一百六十里

西至陝西洵陽縣鷄嶺關二百里

北至陝西商縣小七盤一百二十里

東北到均州界在統七十里自界到州五十里

東南到均州界遠河五十里自界到州四十里

南到房縣界月竹關一百六十里自界到縣一百五十里

西南到竹山縣界百里關一百八十里自界到縣七十里

西到漢中府金州洵陽縣界鷄嶺關二百里自界到縣二百四十里

西北到上津縣界轉精石一百三十里自界到縣一百二十里

北到陝西商縣界小七盤一百二十里自界到縣二百五十里

東北到內鄉縣界雙水磨一百五十里自界到縣一百四十里

本縣至本州水路一百二十里陸路一百二十里至本府水路五百一十里陸路六百五十里

山川

襄陽縣

峴山在縣南七里歐陽永叔記云峴山臨漢江望之隱然蓋諸山之小者十道志云晉大傅羊祜叔子

鎮襄陽嘗與從事鄒湛登此山垂泣曰自有宇宙便有此山由來賢哲登此遠望者多矣皆湮沒無聞湛對曰公德冠四海道嗣前哲令聞今望當與此山俱傳祜歿襄人感其德立祠刻碑其上過者見之莫不流涕杜預名其碑為墮淚碑祠宇累朝脩覆祀典益隆

襄山在縣西五里荆楚記云水駕山而下故名曰襄

肅頭山在縣南三里其形似馬故名之

楚山在縣西南八里又名望楚山以其高可見楚地故名凡天欲雨必有雲氣翳之遠近望之以占晴雨

龜山在縣西南六里其形似龜故名之

萬山在縣西南十里下有解珮渚事見阿頭山下

七里山在縣西七里故名

大成山在縣西七里

九里山在縣西十里即九里岡其山起伏有九里之長故名之

鳳凰山在縣東南五里梁武帝敕立寺其上今不存矣
阿頭山在縣西九里下有屈隈相傳即晉鄭交甫遇龍女解珮處是也

白馬山在縣西南十里下有白馬泉前代每歲三月三日刺史楔飲於此又名傘蓋山

楊橋山在縣東南五十里近楊橋故名春秋紀楚人為楊橋之役是也

關子山在縣東南四十里近關子口故名

買山在縣東南六十里

支家山即支家嶺在縣北六十里

梅林山即梅林嶺在縣北七十里故老相傳昔者其山多梅故名之

漢水又名襄水在縣西北展轉而南起經宜城入安陸州至大別山入江即禹貢嶓冢道漾東流為漢又東為滄浪過三澌至于大別也

白河在縣東北源出南陽白水河故名至樊城東入漢江

唐河在縣東一百里源出唐縣故名與白河相合
滾河在縣東六十里源出棗陽縣西流入唐白河
泥河在縣東北九十里南入唐白河

清河在縣東北十里東流入唐北河

七里河在縣北七里東流入白河

淳河在縣東三十里西流入漢江

黃龍港在縣東南四十五里南流入漢江

沙河港在縣東南四十五里南流入漢江

土山港在縣東南五十里東流入漢江

竹篠港在縣東北三十里西流入漢江

石牌港在縣西北二十里西流入漢江

金水港源發桃花嶺由檀溪至縣南五里入漢江

田塍港在縣東南三十五里入漢江

隆盛港在縣東南四十里入漢江

安家港在縣東南五十里入漢江

募旗山在縣西南十里故老相傳昔有兵卒於上募

旗謂於其上轉旗也故名或云其形似旗

匾山在縣南十里其形匾故名

桃花山即桃花嶺在縣西南二十五里故老相傳昔

者其山多產桃樹故名之

石牌山在縣西北二十五里

隆中山在縣西北二十里其下有隆中書院基址即

諸葛孔明隱居讀書處所

馬鞍山一名登楚山在縣西南十里與萬山相對其

形似馬鞍高處有三磴輿地記云即劉洪山簡九

日宴處

陳莊山在縣北三十里近陳家莊故名之

團山在縣西南三十里其形團故名之

鹿門山在縣東南三十里舊傳漢建武中郡人立神
祠於上刻二石鹿夾神道遂呼為鹿門漢龐德公
唐孟浩然皮日休俱隱此山

伏龍山在縣南二十里其形如龍而伏宋至和間曾
鞏知郡事嘗禱雨於此有感

獨樂山在縣西北二十里諸葛孔明嘗登此山作梁
父吟故名之

百丈山在縣南三十里舊傳云有麋鹿香獸刺史劉表
嘗遣人採藥於此得麋鹿香數十

卧龍山在縣南十里下有高陽池又名習家池
土門山在縣西四十里其形如門故名之

鶴子山在縣西五十里近鶴子川故名之

玉山在縣東南二十里

棗陽縣

武王山在縣東五十里輿地要覽云楚武王出獵於
此故名即今霸山是也

赤眉山在縣東八十里翰墨全書云昔漢赤眉常軍
於此山下今其地名北寨

柘山在縣東北六十里有寺名曰柘山寺

大阜山在縣東六十里

無量山在縣南七十里

青山在縣西南六十里

資山在縣東南六十里其上深邃闊遠居其間者可

獲耕種竹木之利以民資之故名

白河在縣東南四十里翰墨全書云近光武宅二里有白水即白河也源出大阜山西流入漢江

華陽河在縣東四十里源出武王山西流入白河

沙河在縣南一里源出鹿頭店西流滾河其河無土故名元季張仲舉題云沙河岸邊秋草白是也

滾河在縣南四十里源出白河西流入漢江

中河在縣南五十里源出無量山西流入滾河

直陂河在縣北三十里源出唐河千山西流入唐河

櫻水在縣東北源出白露店西流入漢江

澆水在縣南源出澆山南流入昆水西北流入漢江

宜城縣

赤山在縣東南八十里其山土石皆赤故名

兩耳山在縣東四十里形類兩耳故名

即牛山在縣東南六十里

上五尺下五尺山在縣東北二十里俗傳昔有龐居

士家富多金昇之棄于二山之下江心上下各五

車故名上五車下五車今云五尺蓋音之訛云

女觀石梁牛心三山皆在本縣西南二十五里乃荆

山餘脉古有祠廟在上今廢不存

漢水即源出隴西蟠塚山之漢水由襄陽經縣東北

七十里入安陸州界

蠻河即南漳縣蠻河經縣西南六十里入漢江

南漳縣

荆山在縣西南三百里即禹貢南條荆山中有石室相傳卞和得玉璞於此

卧龍山在縣東五十里上有靜林寺即今林泉寺

司空山在縣西一百三十里

十會山在縣北一十里

四望山在縣南三十里東望襄陽西望房縣南望荆

州北望穀城故名

鳳凰山在縣西北五里

舞旗山在縣東二十里

七里山在縣七里

沮水在縣南五十里

漳水在縣南一百三十里其水經古中廬縣由當陽

境入江今名漳河是也

蠻河在縣治南古名夷水晉避桓温父彝詩改名蠻

河至宜城南入漢江

清涼河在縣東二十里源出西溪洞下流與蠻河合

穀城縣

屏風山在縣北九十里俗傳白玉仙人得素書於此

穀山在縣西北十里春秋時穀伯綏所封之舊國故

名之

薤山在縣西北六十里寰宇記云諸山雲起此山無

雲終不降雨至今尚爾

赤山在縣東南八十里丹崖壁立臨漢江之上故名

高亭山在縣南五里有高亭生祠存焉

團山兒在縣南四十里

開林山在縣北四里東漢書註云筑陽侯國即此是也
倒驢山在縣西九十里高峻險絕難於登涉俗傳行
者驢嘗倒死於此故名

粉水在縣南雍州記云蕭何夫人於此漬粉鮮潔異
於諸水故名時人呼為粉清流入漢江

光化縣

馬窟山在縣東五里中有石窟雍州記云漢時有馬
百疋從此窟出故名

固封山在縣西北十里山之東舊為晉順陽王城本
名崇山唐改今名

杏兒山在縣東北五十里鄧州界其間多杏樹故名

牛頭山在縣北五里其形似牛首故名

三尖山在縣西北極曲折深邃盤接南陽

漢水在縣西即源出隴西嶓冢山由均州經縣入穀
城界

陡溝河在縣南三十里流入漢江

房縣

房山在縣西南四十三里山四面有石室如房故名
建鼓山在縣東方輿勝覽云袁崧記登句將山見馬
鬣建鼓屹然半天又賦云有鼓馬鬣之崔嵬

馬嘶山在縣北一百里山最高險至巔人馬喘吼如
嘶故名之

景山在縣西南二百里山海經云荊州山之首曰景

山是也

南山在縣南三里陳去非詩云石門泄風無晝夜古木截道蔽雲雷

南荒山在縣南一十五里

粉水在縣東入漢江其源出房陵水宜淘粉馬欄河在縣東

沮水在縣西南其源出最山東流入漢江

浸水在縣西南王家山下宜染青碧

南視河在縣西

北河在縣東下流合粉水入漢江

竹山縣

筑山在縣西五里昔劉先主屯兵筑口是也

白馬山在縣西南三十里元和志云山似石人曹孟德嘆金城千里即此

方城山在縣東三十里古作縣治遺址尚存又名庸城山山上平坦四面險固圍護如城故名方輿勝覽云山南有城周十餘里春秋庸地楚使盧職黎侵庸方城是也

庸山在縣西南四十里上庸水源出於此

女媧山在縣西與金川燕子山相對正抵平利縣界俗云女媧煉石補天即此地也

停舟山在縣北一百里上有停舟寺今不存

霍山在縣東三里

中山在縣西一百五十里

保豐山在縣西七十里

堵水在縣南即今南江下流縣東入漢江

上庸水方輿勝覽云上元水在縣西源出上庸山南流入孔陽水中有一潭世傳投石潭中即雷雨交作

上津縣

黃龍山在縣東五十里其下有黃龍洞故名

趙胡山在縣東南五十里其山平闊昔日有趙胡二

姓人在山耕種故名之

盤山在縣一百里其山有盤龍觀今廢不存

馬鞍山在縣東南八十里狀如馬鞍故名之

白崖在縣南八十里其崖石色皆白故名之

十八盤山在縣西一百五十里高大其路盤折而上

故名

鷓嶺在縣西一百里今屬商縣

任嶺在縣北十里

吉水在縣西源出鷓嶺下流過縣西南百餘里入漢

江今置江口巡檢司俗呼為夾河

均州

大嶽太和山舊名武當山

國朝永樂十五年

欽改今名在均州南二百里先名太和一名仙室一名大嶽

玄帝昇真之後謂非玄武不足以當之故更曰武

當嵩高之儲副五嶽之流輦週迴八百餘里七十

二峯三十六岩二十四澗五臺五井三泉三潭四

石三天門三洞天一福地風穴雷洞藥圃丹爐霄
館龍宮慶雲彩霧幽蘭清蕙葛孔天花勝跡不可

勝記

外朝山在大嶽太和山後去州西一百里四近諸山
皆朝拱大嶽惟此山獨外向山後為雷所擊故名
外朝

天峯柱一曰天柱山乃大嶽太和山最高處上達大
嶽太和宮三公山在大嶽太和山太玄紫霄宮南
鷄鳴山在大嶽太和山西八十里

冷水山在州北十里上有泉水最清涼往來行客皆
取水止渴故名之

方山在州東北二十里形勢四方故名之

遠山在州西北一百里上有遠陽寺故名之

牛頭山在州東北五十里抵內鄉界其山高險昔有
人曾於此置關上有石形如牛首又如油瓶俗名
為油瓶關又呼為油瓶山云

大觀山在州東南七十里

小觀山在州東南八十里

烏頭山在州東南四十餘里

金鎖峯在大嶽太和山前中有流水俗傳國師鎖獅
猴於此因之水涸盈放去故名

棺木崖在州北五里崖上有石其形如棺故名

書字崖在州五里其崖高峻上有字刻故名今世久

剝蝕不可辨認

卧龍岡在州西五里其岡九里狀如卧龍故名

逍遙峯在大嶽太清微宮南

紫炁峯在大嶽太清宮西南

翠臺峯在大嶽太清三天門

五老峰在大嶽太清山太玄紫霄宮南

疊字峯在大嶽太和山五龍宮西南

王營川在州東北三十五里俗傳昔時師讓營於此其址尚存故名之

滄浪洲在州北四十里滄浪水傍故名

均水在州東前漢地理志丹水東折入均水

漢水在州北四十里即嶓冢道漢東流為漢經州城東下流入光化界

滄浪水在州北四十里俗傳即楚屈原遇漁父歌滄浪處孟子所載孺子歌曰滄浪之水清兮可以濯

我纓滄浪之水濁兮可以濯我足是也又云在沔

陽沔陽亦有滄浪未詳孰是然古之沔陽謂在襄

陽之上流

曾河在州南六里其源出大嶽太清山東流城南入

漢江有平堰龍堰灌田百餘頃

響河在州北十里皆亂石水激有聲故名之

亂石灘在州東南六十里其石參差亂立故名

浪河在州東南七十里其源出大嶽太清山東流入

石門灘在州東南一十五里水中有立石如門之狀

往來舟楫由中而行故名

魚梁灘在州東五十里

磨鍼澗在大嶽太和山北玄帝脩煉未契一日欲去行至此澗忽見一老媪操鐵杵磨石上帝揖媪曰何為媪曰為鍼耳帝曰不亦難乎媪曰功至自成帝悟其言即返精脩未幾道成老媪者聖師京元君感而化焉澗曰磨鍼因之得名

清洋澗在大嶽太和山與聖五龍宮東南

九渡澗在大嶽太和山紫霄宮東玄帝脩道此山聖父遣兵五百根尋入山遇澗水漲不能渡者八次第九方得渡俱隱山中皆證仙道今武當有五百靈官是也澗名九渡祖其意云

鄖縣

寶蓋山在縣西南三里臨漢江之南又名西山

龍門山在縣南七十里有二崖對峙如門水從中流故名

雷峯山在縣東南五十里極高險又名雷峯拗

白龍山在縣西二百二十里崖上有石苔盤曲如龍故名

黎子山在縣東二百里前朝曾置關於此因呼為黎子關今不存

羊尾山在縣西北一百五十里遠望狀如羊尾故名之

三臺山在縣西北八十里其山三層故名之

斧山在縣東北二十里山上有石狀如斧形故名之

天馬山又名天馬崖在縣南一里下臨漢江俗傳昔人常見白馬晝夜從出食田禾逐之即投崖下水中如此者非一次一日崖忽崩裂狀如劈削成壁上有一天馬王三大字宛然明白自後馬不復見矣鴉鷲山在縣西北二里其崖高峻上有鴉鷲棲之故名懸鼓崖在縣西北一百四十里其崖中懸石如鼓故名之

阿姑巖在縣北一里內有三佛像存焉

漢水在縣南自嶓冢發源經漢中東流至此泛則樹木滄沒涸則灘石巉岩然自漢中由此以至襄陽抵漢口入江皆名漢水云

南門河在縣西北一百里其水由扁鳴峪入漢江

龍門河在縣東六十里源出龍門山南流入漢江

神停河在縣東南二十里其水自竹山縣發源流入漢江

趙河在縣東北六十里西流至縣東為盛水堰灌田百餘頃

坊鄔鄉鎮

襄陽縣

澄清坊在按察分司前正統年間廢天順四年知縣李人儀新建

旬宣坊在布政分司前天順四年知縣李人儀創建

德化坊在府西街

宣化坊在府前北

尊賢坊在南門小十字街西

日新坊在縣學前

治安坊在大十字街北

仁和坊在襄陽衛東

勲安坊在東門正街

孝義坊在縣東南孝義井前

平政坊在縣西門正街

迎恩坊在縣前

清平坊在縣北街

文選坊在縣前

鎮安坊在府學前

仁字坊在小十字街西

敬止坊在鼓樓後

銅鞮坊在鼓樓東

狀元坊在大十字街南洪武戊辰狀元任亨泰立

海子坊在西馬院口前

堂子坊在縣北樊城華嚴寺前

敷政坊在縣治東三百步許臨大街東向天順二年

知縣李人儀創立

經魁坊在大十字街南為庚午科舉人任春立

應奎坊在大十字街北為庚午科舉人王瑤立

步雲坊在小十字街南為癸酉科舉人艾福立

彩鳳坊在西門大街為癸酉科舉人余堅立

丹鳳坊在大十字街東為癸酉科舉人王綸立

頡魁坊在縣北樊城街為癸酉科舉人任惟友立

聯科坊在縣東梅城鋪西為癸酉科舉人劉讓立

鍾英坊在大十字街西為丙子科舉人徐淮立

登俊坊在南門大街為丙子科舉人凌英立

奪魁坊在縣治北樊城街知縣李人儀為己卯科舉人

人張寬立

僊桂坊在小北門大街知縣李人儀為己卯科舉人

彭銓立

進士坊在大十字街北知縣李人儀為丁丑科進士

王瑤立

進士坊在小十字街南知縣李人儀為庚辰科進士

艾福立

進士坊在大十字街東知縣李人儀為庚辰科進士

王綸立

大十字街在縣治安坊前

櫃子巷在縣北樊城

東門街在縣治安坊前

小十字街在狀元坊前

馬院口市在縣西河套南

西門街在迎恩坊前

新街市在縣北樊城

黑門頭市在縣北樊城

乾溝市在縣樊城東

東北坊在縣東北

西北坊在縣東北

東南坊在縣東南

西河廂在縣西三里

樊城廂在縣北三里

潼口里在縣南五十里

黑門廂在縣東北五里

枯河里在縣西北五十里

竹筴里在縣南四十里

泥河里在縣東北九十里

牛首河北里在縣西北四十里

梅林里在縣北七十里

清河里在縣北九十里

李村里在縣北五十里

蔡村里在縣東南三十里

新城里在縣東南二十里

牛首河南里在縣西北五十里

土山里在縣南六十里

唐河里在縣東北六十里

新增里在縣東北六十里

新興里在縣東北六十里

冠蓋里在縣南十里漢宣末卿大夫二十人同大會

朱軒車蓋高下掩映荆州刺史行部見之勅縣名

其里為冠蓋唐杜審言有詩云冠蓋仍為里池臺

尚識名蓋本諸此

棗陽縣

東街在縣東

文秀坊在縣南

登雲坊在縣東街

折桂坊在縣北街

霸山里在縣東六十里

馬陂里在縣東五十里

車橋里在縣南九十里

崔橋里在縣西九十里

白露里在縣北七十里

宜城縣

嗜義鄉在縣西北一十五里今改嗜義社

樂善鄉在縣東十里今改永豐社

慶豐鄉在縣東北今改北陽社

咸寧鄉在縣南四十里今改咸寧社

泊洲社在縣西南五十里

羊古社在縣北二十五里

古羊社在縣西二十五里

南漳縣

中廬鎮在縣東五十里漳河之畔即古中廬縣今水

壑不存

第一都古靈芝鄉在縣南一里

第二都古沐浴社在縣東南二十里

第三都在縣西南一十五里

第四都即古久安鄉黑封社在縣北三十里

第五都在縣北三十五里

第六都在縣東北三十里

第七都在縣東二十里

第八都在縣東南二十里

第九都即古安樂鄉山口社在縣南四十五里

第十都在縣東南四十五里

第十一都在縣南五十里

第十二都在縣東南六十里

第十三都即古漳水鄉平領社在縣西南三百五十里

穀城縣

鍾秀坊在縣東

德化坊在縣西

美政坊在縣西南

禮義坊在縣北

禮義鄉在縣東北七里

懷義鄉在縣南四十五里

廣智鄉在縣西三十里

縣市都在縣西

柴店都在縣東南三十里

洛陽都在縣東南十五里

沅漕下都在縣東八里

後川都在縣南四十五里

白沙都在縣東北八里

沅漕上都在縣東三里
乾溪都在縣東北七里
涓口都在縣北二十里
茅坪都在縣南五十里
南川都在縣南六十里
永安都在縣南九十里
石井都在縣東南七十里
張村都在縣西南三十五里
永清都在縣西南九十里
白石都在縣西南四十里
潭口都在縣西七十里

光化縣

親仁坊在縣前今廢
鄭陽坊在縣前今廢
澄清坊在縣南按察分司前
攀桂坊在縣前西
遵化坊在縣南今廢
中化坊在縣東南今廢
登雲坊在縣南街
弘德坊在縣東今廢
崇敬坊在縣北今廢
南薰坊在縣東今廢
臨清坊在縣西南今廢
庸德坊在縣東北今廢

福嚴寺巷在縣西

五龍社即同封西化二鄉在縣西三里

嵩堰社即孟橋仙馬在縣東北三十里

堡子社即太和鄉在縣南二十里

窰屋社即富村社在縣西北三十里

楊林社即太和鄉在縣南二十里

房縣

宣化坊在縣南

迎恩坊在縣南

德政坊在縣西

永寧坊在縣西

禮義鄉在縣西十五里

修文鄉在縣東十里

宜湯鄉在縣東北三十里

房陵鄉在縣西南五十里

竹山縣

鎮遠坊在縣東

清寧坊在縣東

治安坊在縣南

太平坊在縣北

崇禮坊在縣南

仁教鄉在縣北

誠德鄉在縣西

孝義鄉在縣東南

上津縣

上津里在縣北

夾河里在縣南

縣市社在縣前

夾河社在縣西南一百二十里

仙河社在縣西北一百七十里

八里社在縣西十五里

香口社在縣東七十里

馬鞍山社在縣東南八十里

均州

清微坊在州東

東熙坊在州東

仁和坊在州東

耀武坊在州東

帥正坊在州南

文明坊在州南

宣威坊在州南

濯纓坊在州南

宣文坊在州西

思誠坊在州北

拱辰坊在州北

在城里在州治內

芝河里在州西南

浪河里在州西北

茯苓里在州東北
土橋里在州南

鄖縣

在城坊今為宣化里在縣治內

高澤里在縣東五里

武陽里在縣西北一十五里

後川里在縣東一百二十里

南門鎮在縣西若干里元時置巡檢司於此今不存

土產

襄陽縣

五穀

杭 稻 糯 黍 稷 粟 大麥 小麥 蕎麥

芝麻 黃赤菜黑豆

蔬菜

葱 蒜 韭 茄 蘿蔔 芋 瓠 芥 王瓜

冬瓜 瓠

果品

木瓜 杏 梅 橙 橘 重臺柿 棗 桃 櫻桃

李 石榴

服用

絲 綿 綿花 絲麻

藥材

半夏 五倍子 瓜蒌 蒼朮 車前子 白芨 草烏 柴胡
桔梗 枸杞子

竹木

桑 柘 榆 柳 槐 檀 篁 竹 水竹

花卉

蘭 菊 荷 葵 萱 草 薔 薇

牧畜

牛 馬 驢 騾 羊 豕 犬 猫 鷄 鵝

鴨 鴿

飛禽

鳩 鵲 百舌 野雞 鷓鴣 鴝鵒 鷓鴣 鷹 鴉 鴈

老鸛 野鴨 鴛鴦

走獸

麋 鹿 兔 狐狸 獺 獾

水族

鯖 鰩 鱈 鱖 鮠 鱣 鱉 蟹 蚌 螺 鯽 鱧

棗陽縣

五穀

秈 稻 糯 黍 稷 粟 大麥 小麥 蕎麥 芝麻

黃赤 菜 黑豆

蔬菜

葱 蒜 韭 茄 蘿蔔 芋 瓠 芥 玉 瓜 冬瓜

果品

木瓜 杏 梅 橙 橘 重臺 柿 棗 桃 李

櫻桃 石榴

服用

絲 綿 綿花 榮麻

藥材

五葶 何首烏 通草 瓜蒌 蒼朮 半夏 五皮 柴胡

白芨

竹木

桑 柘 榆 柳 槐 檀 笙竹 水竹

花卉

蘭 荷 菊 葵 萱草 薔薇

畜畜

牛 馬 驢 騾 羊 豕 犬 猫 鷄 鵝 鴨 鵪

走獸

獐 鹿 兔 狐狸 獺 獾

水族

鯉 鯽 鱣 鮠 鱖 蚌 螺

宜城縣

五穀

杭 稻 糯 黍 稷 粟 大麥 小麥 蕎麥 芝麻

黃赤黑菘豆

蔬菜

葱 蒜 蘿蔔 芋 茄 瓠 芥 玉瓜 冬瓜 西瓜

果品

木瓜 杏 梅 橙 橘 棗 棗 桃李 櫻桃

石榴

服用

絲 綿 綿花 榮麻

藥材

半夏 五倍子 五寶 何首烏 柴胡 白芨

竹木

桑 柘 榆 柳 槐 檀 笙竹 水竹

花卉

蘭 荷 菊 葵 萱草 薔薇

飛禽

鳩 鵲 百舌 野鷄 鸛 鷓 鴒 鵠 鵙 鷹 鴉

老鸛 鴈 野鴨 鴛鴦

走獸

獐 鹿 兔 狐狸 獺 獾

水族

鯖 鰕 縮項鱖 鱖 鱉 蚌 螺 鯉 鮎 鯽 鱧

南漳縣

五穀

秈 稻 糯 黍 稷 大麥 小麥 蕎麥 粟

黃赤黑豆 芝麻

蔬菜

葱 蒜 韭 茄 蘿蔔 芋 瓠 芥 冬瓜 筍

蕨 菌

服用

絲 綿 綿花 榮麻

藥材

石膏 石綠 半夏 五葶 石菖蒲 蒼朮 白朮
黃蘗 柴胡

竹木

桑 柘 榆 柳 槐 檀 笙竹 白竹 水竹

滋畜

牛 馬 驢 騾 羊 豕 犬 猫 鷄 鵝

鴨 鴿

飛禽

白鷗 野鷄 畫眉 竹鷄 山鷄 鷹 鴉 老鶴

鷓鴣

走獸

獐 虎 鹿 兔 山牛 野猪 熊 虎 豹 豺

水族

鯉 鯽 鯉 鮓 鱖 蚌 螺

穀城縣

五穀

秔 稻 糯 黍 稷 粟 大麥 小麥 蕎麥 芝麻

黃赤黑菘豆

蔬菜

葱 蒜 韭 茄 蘿 蔔 芋 瓠 芥 王瓜

冬瓜 粟

果品

木瓜 杏 梅 橙 橘 棗 柿 棗 桃 李

櫻桃 石榴

服用

絲 綿 綿花 綵麻

藥材

半夏 瓜蒌 蒼朮 白芨

竹木

柘 櫟 榆 槐 檀 柳 篁 竹 山竹 水竹

花卉

蘭 菊 荷 葵 萱草 薔薇

畜畜

牛 馬 驢 騾 羊 豕 猫 鷄 鵝 鴨 鴿

飛禽

白鷗 野鷄 畫眉 竹鷄 山鷄 鷹 鴉 老鸛 鷓鴣

走獸

獐 鹿 兔 狐狸 獺 獾

水族

鯖 鰕 鱖 鱣 鱒 鱉 蚌 螺 鯉 鮎 鯽 鱧

光化縣

五穀

秈 稻 糯 黍 稷 粟 大麥 小麥 大苳

小豆

蔬菜

葱 蒜 韭 茄 蘿 蔔 芋 瓠 芥 冬瓜 冬瓜

果品

白果 栗 柿 桃 梅 李 橙 橘 櫻桃 棗 石榴

服用

絲 綿 綿花 蘇麻

藥材

半夏 五倍子 五加皮 何首烏 桔梗 石菖蒲 通草

百合 瓜蒌 車前子 遠志 白芨 草烏 枸杞子

厚朴 蛇床子

竹木

桑 柘 櫟 榆 槐 檀 柳 篁 竹 白竹 水竹 葶苈

花卉

蘭 菊 荷 葵 萱草 薔薇

牲畜

牛 馬 驢 騾 羊 豕 犬 猫 鷄 鵝 鴨 鴿

飛禽

白鷗 野鷄 畫眉 竹鷄 山鷄 鷹 鴉 老鸛 鷓鴣

走獸

獐 鹿 麂 兔 山牛 野豬 熊 虎 豹 豺

水族

鯉 鯽 鱧 鮠 鱉 蚌 螺

房縣

五穀

秈 稻 糯 黍 稷 粟 大麥 小麥 大豆 小豆

蔬菜

葱 蒜 韭 茄 蘿蔔 瓠 芥 玉瓜 冬瓜 笋 蕨 菌

果品

服用 白果 栗 柿 桃 梅 李 橙 橘 櫻 桃 棗 石榴

絲 綿 綿 花 蓂 麻

藥材

柴胡 厚朴 五倍子

竹木

檀 榆 桑 楸 楊 柳 篁 竹 夾 竹 白 竹

花卉

蘭 菊 荷 葵 萱 草 薔 薇

畜畜

牛 馬 驢 騾 羊 豕 犬 猫 鷄 鵝 鴨 鴿

飛禽

白鷗 錦鷄 野鷄

走獸

獐 鹿 鹿 半 山 羊 野 猪 虎 豹 熊 猿

猴 水獺 野猫

水族

鯉 鯽 鱉 蚌

竹山縣

五穀

杭 稻 糯 黍 稷 麥 豆

蔬菜

葱 蒜 韭 茄 蘿 蔔 瓠 芥 玉 瓜 笋 蕨

果品 臬 栗 柿 桃 李 梅 橙 橘 櫻 桃 石 榴 棗

服用 綿 綿花 綵麻絲

藥材 半夏 五加皮 蒼朮 白芨

竹木

桑 柘 榆 柳 檀 楸 紅豆木 笙竹 苦竹

花卉

蘭 菊 荷 葵 萱草

滋畜

牛 馬 驢 騾 羊 豕 犬 猫 鷄 鵝 鴨 鴿

飛禽

野鷄 鳩 鷄 山鷄 又名錦鷄 畫鷄 即白鷄 綉鷄

走獸

獐 鹿 鹿 山牛 山羊 野猪 虎 豹 熊 猿 猴

水族

鯉 鯽 鯉 鯉 鮫 鱈 鱉 蚌

上津縣

五穀

杭 稻 糯 黍 稷 粟 麥 豆

蔬菜

葱 蒜 韭 茄 蘿蔔 芋 瓠 芥 豕 冬 瓜

果品

白果 栗 柿 桃 梅 李 橙 橘 櫻桃 石榴

服用

絲綿 綿花 榮麻

藥材

柴胡 蒼朮 白朮 黃精

竹木

桑 柘 榆 櫟 楸 紅杲木 白杲木 白竹 苦竹
筋竹 小夾竹 水竹

花卉

蘭 菊 荷 葵 萱草 薔薇

牲畜

牛 馬 驢 騾 羊 豕 犬 猫 鷄

鵝 鴨 鵠

飛禽

野鷄 竹鷄 野鴨 山鷄 又名錦鷄 畫鷄 即白鷄 綉鷄

走獸

獐 鹿 鹿 山牛 山羊 野猪 虎 豹 熊

猿 猴

水族

鯉 鯽 鱉 螺

均州

五穀

秈 稻 糯 黍 稷 大麥 小麥 大豆 豈 芝麻

蔬菜

葱 蒜 韭 茄 蘿蔔 芋 瓠 芥 王瓜

冬瓜 粟 笋 蕨 菌

果品

椰梅 木瓜 杏 梅 橙 橘 重臺柿 棗 桃
李 櫻桃 石榴

服用

絲 綿 綿花 苧麻

藥材

柴胡 蒼朮 白朮 黃精 厚朴

竹木

萬年松 騫林葉 靈壽杖 茅香 俱產於太嶽
太和已嘗經 桑

柘 榆 柳 楸 櫟 檟 篲 水竹 白竹 苦竹

花卉

蘭 菊 荷 葵 萱草 薔薇

畜畜

牛 馬 驢 騾 羊 豕 犬 猫 鷄 鵝 鴨 鴿

飛禽

白鵝 錦鷄 野鷄 野鴨 雁

走獸

獐 麋 鹿 山牛 山羊 野猪 虎 豹 熊

猿 猴

水族

鯖 鯪 鱖 蚌 螺 鯉 鯽 鱣 縮項鱖

鄖縣

五穀

秈 稻 糯 黍 稷 大麥 小麥 大豆

小豆 芝麻

蔬菜

葱 蒜 韭 茄 芋 瓠 芥 蘿蔔 冬瓜

冬瓜

果品

白果 栗 柿 桃 梅 李 橙 橘 櫻桃 石榴

藥材

蒼朮 柴胡 草烏 白朮 厚朴

竹木

桑 柘 榆 柳 檀 楸 紅豆木 白竹 水竹

筴竹 苦竹 筋竹 小夾竹

花卉

蘭 菊 荷 葵 萱草 薔薇

滋畜

牛 馬 騾 驢 羊 豕 犬 猫 鷄 鵝 鴨 鵠

飛禽

野鷄 鳩 鷄 野鴨 竹鷄 山鷄 錦鷄 畫鷄 即白鷄 綉鷄

走獸

獐 鹿 虎 豹 熊 猿 猴 山羊 山牛

野猪

水族

鯉 鯽 鱖 蚌

貢賦

本府

禹貢荊州所貢羽毛齒革惟金三品柶幹栝栢礪砥
砮丹箇韜楛包匭菁茅納錫大龜玄纁璣組漆象締
紵織纊磬錯襄陽屬荊州

歲貢

活鹿九隻 活獐八隻 活野鷄七十七隻

飛禽一百八十隻 活山鷄一十五隻 活鴈七隻

白硝熟軟皮并帶毛硝熟皮三千五十七張

領毛一十七萬一千六百根

田賦前代無考洪武二十四年田地八千八百三頃

四畝八釐三毫

夏稅二萬四千九百四十九石七合三抄七撮三圭

秋糧五萬二千五百一十七石五斗七升三合五勺四抄

桑絲三百七十八斤一兩四錢六分

商稅等項課鈔六萬五千九百四貫二百一十六文

永樂十年田地七千五百七十頃三十三畝二分七釐九毫

夏稅二萬四千九百六十石一合二勺四抄六撮

秋糧五萬三千八百一十六石六斗

桑絲四百二十斤一十一兩七錢五分清造絹三

百三十二丈五尺九寸二分六釐

商稅等項課鈔二十萬二千七百三十貫九百四十六文

襄陽縣

歲貢

活鹿一隻 活獐二隻 飛禽一十八隻

白硝熟軟雜皮三百二十張并帶毛硝熟雜皮二百六張

領毛三萬八千根

田賦前代無考洪武二十四年田地一千八百八十三頃一十一畝二分二釐三毫

夏稅小麥八千八百九十八石八斗八升二合九勺抄
秋糧米豆五千八百九十石九升六合七勺五抄三撮五圭五釐
農桑絲六斤六兩二錢三分

商稅等課鈔七千六百五十一貫九百五十文
永樂十年田地二千九百七十五頃二十六畝三分八釐二毫
夏稅小麥九千一百九十一石八斗七升七合一抄五撮五圭

秋糧米豆七千一百八十五石二升七合六勺三抄八撮
桑絲七斤一十一兩六錢折造絹六疋五尺四寸

棗陽縣

歲貢

商稅等項課鈔七千六百五十一貫九百五十文

活鹿一隻 活獐一隻 活野鷄六隻

白硝熟雜皮五十六張帶毛硝熟雜皮六十張
領毛八千六百根

田賦前代無考洪武二十四年田地四百八十五頃五畝四分四釐

夏稅一千七十九石五斗八升二合七勺

秋糧米豆四千四十石二合八勺

桑絲一百六十四斤二錢

商稅等課鈔四百三十七貫七百八十文

永樂十年田地三百三十六頃九十一畝九分七釐一毫
夏稅八百四十一石九斗一升二合六勺五抄
秋糧米豆三千二百五十四石四斗六升九合二勺二抄
桑絲一百二十七斤三兩八錢五分析造絹一百
一匹零二丈三尺七寸七分五釐
商稅等課鈔七百九十五貫五百二十文

宜城縣

歲貢

活獐二隻 活鴈五隻 活野鷄二隻

白硝帶毛熟雜皮一百六十三張

翎毛一百根

田賦前代無考洪武二十四年田地五百八十四

頃九十七畝五分五釐

夏稅一千三百四十一石三斗四升二合一勺

秋糧米豆二千五百二石三斗四合八勺二抄五撮

農桑絲二十四斤一十一兩六錢

商稅等課鈔七千一百四十六貫一百七十文

永樂十年田地六百二頃二十八畝七分五釐

夏稅一千六百六十七石五斗二合四勺

秋糧米豆三千二百三十五石九斗二升八合一

勺七抄五撮

農桑絲二十四斤一十二兩折造絹二十九匹二丈四尺

商稅等課鈔八千一百六十一貫

南漳縣

歲貢

活鹿一隻 活獐二隻 活山鷄七隻 活野鷄十隻又
白硝熟軟雜皮二百六十八張帶毛硝熟雜皮一
百六十五張

翎毛二萬四千三百根

田賦前代無考洪武二十四年田地六千六百六
十四頃四十四畝七分七釐九毫

夏稅一百八十二石二斗九升六合二勺六抄二撮五圭

秋糧米豆六千四百四十三石二斗八升一合七抄六撮

農桑絲一十六斤八兩六錢

歲辦諸色課鈔一百三十一貫二百七十五文

永樂十年田地七千一百七頃二十七畝四分四

釐五毫

夏稅一百八十四石五斗一升三合九抄五撮

秋糧米豆六千六百九十六石四斗二升九合七

勺二抄四撮

農桑絲一十六斤八兩七錢折造絹一十三匹七尺

歲辦諸色課鈔一千九百三十四貫八百文

穀城縣

歲貢

活鹿一隻 活野鷄二十一隻

白硝皮三百零六張 獐皮二百二十張

羊皮六十三張 更皮二十一張

獐羔皮一十五張 羊羔皮四十五張

鹿羔皮四十張

領毛三萬四千一百根

田賦前代無考洪武二十四年田地一千六百五

十六頃五十六畝七分三釐

夏稅二千八百七十五石一升四合九勺

秋糧米豆七千四百八石八斗四升九合三勺二抄

桑絲六十一斤一兩三錢六分

商稅等課鈔四千二十五貫五百三十文

永樂十年田地一千三百四十八頃五十三畝五分四釐

夏稅五千六百六十三石九斗一升二合五抄二撮五圭

秋糧米豆一萬四千一百九十八石七斗三升三

合六勺一抄五撮

桑絲一百四十五斤三兩六錢六分五釐折造絹

一百一十六匹五尺四寸九分七釐五毫

商稅等課鈔四千六百六十三貫四百六文

光化縣

歲貢

活鹿一隻 活獐一隻 活山鷄二隻

活野鷄二隻 活鴈二隻 領毛八千五百根

白硝熟雜皮一百一十六張并帶毛硝熟雜皮八十張

田賦前代無考洪武二十四年田地蕩七百二十

六頃八十五畝五分九釐二毫

夏稅三千七百一十四石三升五合九勺六抄五撮

秋糧米豆二千一百三十八石三斗四升五合六勺七抄一撮

農桑絲共二十二斤四兩六錢

商稅等課鈔

永樂十年田地蕩六百二十二頃六十三畝二分三釐九毫

夏稅三千七百二石七斗三升五合三抄三撮

秋糧二千三百三十石六斗七升五合六勺一抄二撮

農桑絲共二十斤八兩七錢折造絹一十六疋一丈

三尺八寸
商稅等課鈔二千四百五十五貫八百文

房縣

歲貢

活鹿一隻 活野鷄七隻 鹿皮一百張

野猫水獺皮七十張 翎毛一萬根

田賦前代無考洪武二十四年田地四百三十二

頃七十三畝二分四釐五毫

夏稅五百三十七石八斗九升八合九勺

秋糧米豆三千九百九十三石三升五合三勺九

抄四撮四圭五釐

歲辦諸色課鈔二千一貫七百五十文

永樂十年田地三百九十三頃三十七畝六分四

釐九毫

夏稅四百九石九斗五升八合

秋糧米豆三千一百一十三石三斗六升七合

農桑絲八斤九兩一錢八分折造絹六疋二丈五

尺七寸七分

歲辦諸色課鈔一千四百二十貫五十文

竹山縣

歲貢

活鹿一隻 活野鷄一十隻 翎毛八千五百根

白硝熟麂皮八十張 帶毛硝熟雜皮一百張

田賦前代無考洪武二十四年田地一百九十五

頃五畝二分五釐

夏稅二千五百五十四石三斗四升三合三勺

秋糧米豆六十九石九斗八合二勺

歲辦諸色課鈔三百一十二貫五百文

永樂十年田地二百七頃八十六畝四分八釐

夏稅八百一十四石七斗五升六合五勺

秋糧米豆二千五百八十三石三斗五升八合七勺

歲辦諸色課鈔三百一十二貫五百文

上津縣

歲貢

活鹿一隻 活山鷄六隻 翎毛八千五百根

白硝熟軟雜皮四十五張并帶毛硝熟雜皮六十張

田賦前代無考洪武二十四年田地三百頃五十

六畝四分三釐

夏稅六百三石二斗三勺

秋糧米一千二百四石五斗六升二合

農桑絲一十斤十三兩五錢

歲辦諸色課鈔五百六十九貫四百文

永樂十年田地一百五十二頃五十七畝六分五釐一毫

夏稅三百二十九石一升五合七勺

秋糧米六百五十七石一斗九升八合二勺

農桑絲一十二斤六兩七錢五分五釐折造絹一

十疋二丈二尺一寸三分五毫

歲辦諸色課鈔六百九貫八百文

均州

歲貢

活野鷄八隻 翎毛一萬一千八十根

白硝熟硬雜皮一百四十八張

帶毛熟雜皮八十張

田賦前代無考洪武二十四年田地四百七十頃

九十七畝三釐九毫

夏稅八百三十八石五斗一升二合九勺

秋糧米豆五千二百八十二石八斗二升一合九勺

農桑絲二十七斤一十五兩九錢

歲辦諸色課鈔四千八百一十二貫七百二十五文

永樂十年田地四百八十四頃八十七畝八分九釐三毫

夏稅八百二十九石三斗六升八合九勺

秋糧米豆五千二百六十四石三斗四升九合八勺五抄

農桑絲二十七斤三兩九錢折造絹二十一匹二

丈三尺九寸

歲辦諸色課鈔五千八百四十八貫二百文

鄖縣

歲貢

活鹿一隻 活野鷄一十二隻 翎毛一萬七千八百根

白硝熟軟雜皮五十八張

帶毛熟雜皮一百二十張

田賦前代無考洪武二十四年田地六百頃七千

畝三分四釐

夏稅二千三百五十四石九斗八升八合三勺

秋糧米一萬七千五百四十五石九斗五合六勺

桑絲三十六斤三兩五錢

歲辦諸色課鈔三千三十四貫四百四十一文

永樂十年田地四百一十七頃六十二畝三分八

釐三毫

夏稅一千三百二十石四斗五升六合七勺

秋糧米豆四千八百九十七石一斗五升六合三勺

桑絲二十九斤七兩六錢折造絹二十四匹二丈

四尺六寸五分

歲辦諸色課鈔三千六百三十六貫六百三十文

風俗形勢

本府

按方輿要覽云襄陽俗尚奢侈其民尚文今則朴實

樂於農桑居室多編竹以代陶瓦士多好學猶有古

風春秋楚屈完曰以方城為城漢水為池諸葛武侯

云北據漢沔利盡南海東連吳會西通巴蜀此用武

之國也舊志云所謂襄陽江陵勢同唇齒無襄陽則江陵受敵故歷代莫不視此為重地以今言之襄之為區界乎南北東抵郢隨而漢諸水滔滔東注西距隴蜀而秦藍諸山疊疊西連南截荆湖而巴江如字北枕唐鄧而一望千里人居其間樂土地之廣習奢麗之風變朴為文以虛為實此襄陽之風俗形勢也

襄陽縣 本府同

漢水如帶縈乎東北楚山若屏峙乎西南此天然之形勢也

棗陽縣

人性鯁直詞訟少興男樂耕桑而商賈不事士務學問而儉朴是敦輿地要覽云為襄外屏又云漢白水

鄉本形勝之邑今觀霸山壁立於東漢江環護於西南有白水之縈抱北有唐鄧之阻間其中土地廣衍四周險塞其非漢北之勝域而襄東之藩屏也歟
宜城縣

按方輿要覽云俗尚豪侈又云其俗朴陋以今觀之民務耕桑又好漁獵士頗好學僅知禮節邑據荆襄之間兩耳山扼其東紫蓋山環其西其中土地平行實古英雄攻守之地

南漳縣

縣在荆襄之間土地肥饒男女以耕桑為業古云其俗朴陋今被化已久田舍小子亦頗知書

穀城縣

按輿地要覽云俗尚侈民尚文以今觀之俗務朴實
勤於耕農僅知向學頗有禮義之風東南阻水西北
抵山誠四塞險固之區也

光化縣

按輿地要覽云其民尚文其俗朴陋以今觀之僅有
從學之士男女務耕桑好漁獵盜賊鮮少羊牛布野
而終無所失西抵梁益北據新鄧挾大江以為池負
杏山以為固實為襄陽上流之勝邑也

房縣

按輿地要覽云有蠻夷之風無兵戈之患諺云受用
無非竹衣裾盡是麻今猶俗尚儉朴勤於耕種男女
負荷道途四面皆山巍然高峻有如房室然

竹山縣

按輿地要覽云有蠻夷之風無兵戈之患諺云受用
無非竹衣裾總是麻今猶俗尚儉朴男女負荷道路
山高水激路徑崎嶇不通車轍誠四塞險固之區也

上津縣

俗尚朴陋民性直率刀耕火種人多癯瘠學問少好
禮節鮮知邑據萬山之中山如城郭之圍溪流激駛
路徑崎嶇誠四塞險固之域也

均州

按圖經云民多秦音俗好楚歌陸愷宗海樓記云民
人朴野公庭無事士今好學頓向禮義焉郡志序云
東連襄沔西接梁洋南通荆衡北抵襄鄧左通漢水

之長江右據關陝之要路其地多山少田泉甘土肥
其大嶽太和山之壯麗又嵩高之儲副五嶽之流輦
者也

鄖縣

按方輿要覽云民多秦音俗好楚歌以今觀之民俗
朴野勤於耕農又好漁獵士頗務學而有禮義之風
東北阻山道多險峻東通襄鄧西接隴蜀所謂險阨
之地也

戶口

本府

前代無考洪武二十四年

戶總一萬五千九百一十九

口八萬五千九百九

永樂十年

戶總一萬三千五十八

口七萬三千二百二十

襄陽縣

前代無考洪武二十四年

戶三千二百七十

口一萬六千九百

永樂十年

戶二千六百二十五

口一萬五千五百二十

棗陽縣

前代無考洪武二十四年

戶七百九十二

口四千三百七十五

永樂十年

戶六百七十

口六千一百三十

宜城縣

前代無考洪武二十四年

戶八百六十一

口六千一百二十九

永樂十年

戶八百四十九

口三萬六千七十八

南漳縣

前代無考洪武二十四年

戶二千六百六十八

口一萬四千五百二十二

永樂十年

戶二千一百六十二

口一萬二千三百二十九

穀城縣

前代無考洪武二十四年

戶二千六百三十

口一萬二千四百三十七

永樂十年

戶二千二百三

口一萬三千四百三十七

光化縣

前代無考洪武二十四年

戶九百三十

口五千六百九

永樂十年

戶七百六十八

口四千六百七十六

房縣

前代無考洪武二十四年

戶八百二

口四千二百七十五

永樂十年

戶

口三千七百四十五

竹山縣

前代無考洪武二十四年

戶五百六十三

口二千七百九十七

永樂十年

戶二百五十七

口

上津縣

前代無考洪武二十四年

戶 百六十三

口二千七百九十七

永樂十年

戶二百五十七

口一千一百四十八

均州

前代無考洪武二十四年

戶一千三百五十二

口七萬八十二

永樂十年

戶一千四百三十七

口

鄭縣

前代無考洪武二十四年

戶一千三百九十一

口五萬三千七百五十六

永樂十年

戶九百八十三

口一萬三千二百五十三

上津縣

前代無考洪武二十四年

戶 百六十三

口二千七百九十七

永樂十年

戶二百五十七

口一千一百四十八

均州

前代無考洪武二十四年

戶一千三百五十二

口七萬八十二

永樂十年

鄭縣

戶一千四百三十七

口

前代無考洪武二十四年

戶一千三百九十一

口五萬三千七百五十六

永樂十年

戶九百八十三

口一萬三千二百五十三

重刊襄陽郡誌卷第一終

丙子鄉貢舉人襄陽徐淮書